

78 1393  
QVÆSTIO MEDICA,

CARDINALITIIS DISPUTATIONIBVS

MANE DISCVTIENDA,

IN SCHOLIS MEDICORVM,

die Iouis XIII. Martij.

M. CLAVDIO PERRAVLT.

DOCTORE MEDICO, PRÆSIDE.

*An diuturni affectus loci mutatione curantur?*

I

**M**ORBOS internos vt infrequentes, diuturnos quasi insanabiles, raro attingit antiquitas: illos modestia torfan hominum atque frugalitas, hos certe tales fecit opinio. Acuti enim citius non vero facilius, nec fortunâ magis aut natura fauente curantur: sed temerariô vulgi præiudicio, ex citâ lætâque naturæ victoria, vim illius & conatum æstimantis, fit vt vbi valide obfistendo & mature cunctando restituit rem, otiô torpere illa & maiore tunc artis auxilio opus habere stolide putetur. Hinc medico morborum impetum & furorem per maiora præsidia strenue coercere valenti, parum æquam videas famam: ei vero claram æternamque gloriam & peritiæ nomen quæri, qui lentam eorum segnitiam longâ superat patientiâ, & internæ ac summæ medicatrici assidens, solertiæ non magis quam tolerantia, curæ quam tædij, laboris quam temporis impendit: dum sua interim redit partibus & humoribus temperies, *εὐπορία*, cæteraque naturalia bona, remediorum varietate, non violentiâ, vt in acutis accersenda.

**A**CVTIS morbis non tam motus celeritas quam symptomatum vehementia nomen imponit ; plerumque tamen breuiiores esse solent , sicut longi minus graues : dum aut maiores concedunt inducias , aut segnius aut minore periculo grassantur ; an certiore etiam salutis aut mortis prædictione ? Securiore saltem sorte medentium , quorum cognitionem nec ita præueniunt festinatione , nec prouidentiam mutabilitate , nec remedia incommoditate partium & humorum . Nam sicut munitas quasque vitæ sedes immanis acutorum ferocitas , humoribus ad facinus paratissimis adeo adoritur , vt validiora naturæ præsidia suis in arcibus statim opprimat , ita in diuturnis ignaui & tardiores succi concitantur in partes frigidas , laxas , exangues & nullâ magna officij necessitate insignes : quibus vel plurimum labefactatis raro desunt principum membrorum auxilia , quorum ex robore , quod infirmarum partium plerumque detrimento accreuit , & ipsæ vicissim habent vnde damna tandem illa reparare valeant : cui operi promouendo non ita valida , maximâ tamen & non vulgari arte administranda remedia sufficiunt : non aliter quàm fixas & rapidis turbinibus immotas moles , breuiori vecte conuellit perita manus artificis.

## III.

**V**T multis nominibus præcipites affectus ex naturâ suâ sæuiiores sint , nonnulla tamen tardis accidunt quæ grauissimos illos efficiant , tolerabiles aliàs eorum labores per longum , liquando per omne , imo etiam vltra ipsum vitæ tempus protrahendo . Adeo medici ægrotis , aut hi sibi nimis indulgentes , circumstantium ex aëris aut loci aduersa qualitate causarum conspiratione incauti non minus opprimuntur quàm intestinis malis . Cùm libidinosa & intemperans mollities , quæ diuturnorum , vt durior corporis & animi labor acutorum parens est , eadem & eos alit luxurie ,

eâdem ignaviâ fastidium auget remedium; ac demum contemptum infert, ex lento & non aspectabili profectu, falsâque persuasione iis in morbis medentes cæcutire, quos statim non sanauerint: quasi non frequentius immedicabiles quàm ignoti affectus occurrant. Nam quid prodest crassos, inertes, crudos in partibus, frigore, laxitate, ocio, aut prauo vsu infirmis, actionem lædentes humores acute cernere? Quid facit ad curationis celeritatem? Quin eò magis tunc prudens medicus à temerariâ illâ, quæ immaturum fructum excutiat, soluendumve nodum secet aut abrumpat, festinatione cauebit, vt studium imprimis colloctet in viscerum conseruando robore, ad quod præcipue validiorum catharticorum fulmina allidunt intactis plerumque vitiosis humoribus, qui paulò leuiorum mollioribus auris præsertim ac tepidis imbribus resoluuntur. Ac propterea humorum maturationem eorumque euacuationem insensibilem potissimum ac sensum promouere tentabit.

## I V.

**M**A G N A in morbos omnes vis est loci quo circumsundimur, maxima in diurnos illius cui insitimus, citra quem ambiens nullâ insigniori virtute polleat quàm caloris aut frigoris, quorum cita vicissitudo de acutis quidem decernit, at diurnorum arctis & implexis nexibus per septenos mensium aut annorum circuitus soluendis, vix-dum sufficit. Spem non adeo longam fert loci quem incolimus efficacia quæ semper subest, aëremque non segnus afficit, qui non modo αἰς τῇ μὲν βόλῃ, syderum influxus locis omnibus communes, sed αἰς τῇ γῆς ὀσμῇ expressarum omnium vires suscipit ab exhalationibus, quæ vnicuique regioni propriæ sunt, ob infinitam prope varietatem genij singulis peculiaris; pro ventorum afflatu, montium sylvarumque objectu diuerso, tum & aliâ atque aliâ soli, aquarum, fossilium, plantarum naturâ; quorum omnium

cum vsus necessarius est, tum & expirationes assiduæ, tenuitate benignitate contrarietate, partes, humores sensim afficiendo & immutando, variam hominum indolem vt & valetudinem, præsertim vero longas ægritudines, quales sunt endemiæ, faciunt fouent: dum causam præbent fixam permanentem, nullo superuenientis caloris aut frigoris auxilio, sed solâ fugâ superabilem. V.

**M**UTATIONE M res omnes subeunt necessitate non maiore quam voluptate. Noua sequi etiam praua, pro innata melioris, absque mutatione non assequendi, cupiditate semper iuuat, plerumque vero & prodest, præsertim miseris quos plura manent futura bona. Eam ardentibus votis, morbo diuturno impediti, sed irritis expetunt, si nullus eis adest Asclepius, nec proficit ad Thermas, frictiones, lac, chalybem, ignem, cæteraque profligatæ valetudinis subsidia confugere, in eorum vsu perseverare, cum mutare, *ποικιλίσαι* ægris tunc iuncundam iuxta & utilem sectando. Nempe per hæc omnia medicus frustra pugnat aduersus morbum, & ei se præbet *ἀντίοον*, si contigerit locum fauere & *ὁμονοεῖν τῷ πάθει*. Non longa dies vnquam, non piger annus insitum ab ortu mundi eum nocendi animum immutabunt, & prius quam talis vincatur contumacia, ægrum constantia viresque desicient. Quid restat? Nisi causas inimicas & non insequuturas fugere, amicas sequi ægrum opperientes. Quoties enim proscriptis scælix extitit exilium? Quam multis votiux seruitutis & electi carceri s dulcedine, imperantibus medicis, per aliquod tempus carere utile fuit, sanitatis consequutione? Quid ita? melior corporis temperies coctioque humorum, lento ætatis aut tempestatû progressu forsan accessura expectatur? Si longioris illorû moræ tædeat, loci mutatione obuiam ire licet.

*Ergo diuturni affectus locimutatione curantur.*

Asserebat Lutetiæ PETRVS LEGIER Parisinus,  
A. R. S. H. M. DC. LXIV.